

ხელშეკრულება №18
(გამარტივებული შესყიდვა)

ქ. მცხეთა

28.07.2015 წელი

შემსყიდველი – სსიპ ქალაქ მცხეთის №1 საჯარო სკოლა
მისამართი: ქალაქი მცხეთა, დავით აღმაშენებლის ქუჩა №71
საბანკო რეკვიზიტები: ს.ს „ლიბერთი ბანკი“ მცხეთის ფილიალი
საბანკო კოდი: LBRTGE22
ანგარიში: GE71LB0121149359471000
საიდენტიფიკაციო კოდი: 236087578

მიმწოდებელი: შპს „არქსერვისი 2008“

მისამართი: ქ. მცხეთა, მუხრანის ქ. №17

საბანკო რეკვიზიტები: ს.ს „ლიბერთი ბანკი“ მცხეთის ფილიალი
ბანკის კოდი: LBRTGE22

ანგარიში: GE16LB0113113346489000

საინდენტიფიკაციო კოდი: 236097781

ერთი მხრივ შემსყიდველი, ხოლო მეორე მხრივ მიმწოდებელი, ხელმძღვანელობენ
რა საქართველოში მოქმედი კანონმდებლობით, გამარტივებული შესყიდვის წესით დებუნ
წინამდებარე ხელშეკრულებას შემდეგზე:

1. ხელშეკრულების საგანი

ხელშეკრულების საგანს წარმოადგენს, სკოლის შიდა პერიმეტრის ნაწილობრივი
სარემონტო სამუშაოების ჩატარებისათვის საპროექტო სახარჯთაღრიცხვო
მომსახურების შესყიდვა. (CPV 71200000)

2. მხარეთა მოვალეობები

2.1 მიმწოდებელი ვალდებულია:

2.1.1 წინამდებარე ხელშეკრულების პირობების შესაბამისად მოამზადოს პროექტი
სკოლის შიდა პერიმეტრის ნაწილობრივი სარემონტო სამუშაოების ჩატარებისათვის და
სამუშაოს დასურლების ბოლოს მიაწოდოს შემსყიდველს.

2.1.2. დაიცვას წინამდებარე ხელშეკრულებით გათვალისწინებული ყველა პირობა;

2.2 მიმწოდებელს უფლება აქვს:

მოსთხოვოს შემსყიდველს გაწეული მომსახურების ანაზღაურება ხელშეკრულებით
გათვალისწინებული პირობების დაცვით.

2.3 შემსყიდველი ვალდებულია:

2.3.1. მოახდინოს ანგარიშსწორება მიმწოდებელთან წინამდებარე ხელშეკრულებით
გათვალისწინებული პირობების შესაბამისად;

2.4 შემსყიდველი უფლებამოსილია:

მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების
ჯეროვანი შესრულება.

3. ხელშეკრულების დირებულება

3.1 ხელშეკრულების ჯამური დირებულება შეადგენს 300 (სამასი) ლარს.

3.2. წინამდებარე ხელშეკრულების დირებულება შეიცავს მიმწოდებლის შველა
ხარჯებსა და საქართველოს კანონმდებლობით დადგენილ გადასახადებს.

4. ანგარიშსწორების წესი

- 4.1 მხარეთა შორის ანგარიშსწორება განხორციელდება მიღება-ჩაბარების აქტის გაფორმების შემდეგ 10 სამუშაო დღის ვადაში.
- 4.2 ანგარიშსწორების ვალუტა – ლარი.
- 4.3 გადახდის ფორმა: უნაღვდო.
- 4.4 გადაცემის თარიღად ითვლება მხარეთა შორის მიღება-ჩაბარების აქტზე ხელმოწერის თარიღი.

5. შესყიდვის საგნის მიწოდების ადგილი, ვადები და მიღება-ჩაბარების წესი

5.1. მომსახურების გაწევის ადგილია: ქ.მცხეთა, დავით აღმაშენებლის №71, სსიპ ქალაქ მცხეთის №1 საჯარო სკოლა.

5.2. მომსახურება ჩაითვლება გაწეულად, აღნიშნულის თაობაზე გაფორმებული მიღება-ჩაბარების აქტის ხელმოწერის დღიდან. შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება სკოლის დირექტორს ვერიკ მაჩხანელს, ხოლო მიმწოდებლის მხრიდან შპს „არქსერვისი-2008”-ს დირექტორს ზაზა ნაზდაიძეს.

6. ხელშეკრულების მოქმედების ვადები

წინამდებარე ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2015 წლის 31 დეკემბრამდე.

7. ხელშეკრულების ინსპექტირება

7.1 შემსყიდველი უფლებამოსილია ნებისმიერ დროს განახორციელოს ხელშეკრულებით გათვალისწინებული ვალდებულებების შესრულების ინსპექტირება.

7.2. წინამდებარე ხელშეკრულების 7.1 პუნქტით გათვალისწინებული კონტროლისა და ზედამხედველობის განხორციელება ევალება სკოლის დირექტორს ვერიკ მაჩხანელს.

8. ხელშეკრულების შეწყვეტა

8.1. ნებისმიერი მხარე უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

8.2. ნებისმიერი მხარე უფლებამოსილია მოლიანად ან ნაწილობრივ შეწყვიტოს ხელშეკრულება მეორე მხარის ვალდებულების შესრულების შეუძლებლობის წერილობით შეტყობინების შემდეგ, თუ:

8.2.1. ხელშეკრულებით გათვალისწინებულ ან ხელშეკრულების შეწყვეტის ინიციატორი მხარის მიერ გაგრძელებულ ვადაში მეორე მხარეს არ შეუძლია ვალდებულების სრულად ან ნაწილობრივ შესრულება;

8.2.2. შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

8.2.3. საქართველოს კანონმდებლობით გათვალისწინებულ სხვა შემთხვევებში.

8.3. წინამდებარე ხელშეკრულების ცალკეული პირობების მოქმედების შეწყვეტა არ ათავისუფლებს მხარეს დანარჩენი ვალდებულებების შესრულებისაგან.

9. მხარეთა პასუხისმგებლობა

9.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას საქართველოს მოქმედი კანონმდებლობის შესაბამისად.

9.2. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია

მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

9.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4. ხელშეკრულებიდან გასვლისას შემსყიდველი უფლებამოსილია ხელშეკრულებით ნაკისრი პირობებისა და ვალდებულებების შეუსრულებლობის გამო დააკისროს მიმწოდებელს პირგასამტებლოს გადახდა ხელშეკრულების ღირებულების 10%-ის ოდენობით.

9.5. რომელიმე მხარის მიერ წინამდებარე ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში, მეორე მხარე იტოვებს უფლებას მოითხოვოს დამრღვევი მხარისგან, ხოლო ამ შემთხვევაში დამრღვევი მხარე ვალდებულია გადაიხადოს პირგასამტებლო ვალდებულების შესრულების ყოველ ვადაგადაცილებულ დღეზე ხელშეკრულების საერთო ღირებულების 0,1%-ის ოდენობით.

10. ფორს-მაჟორი

10.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

10.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, საქონლის მიწოდებაზე ემბარგოს დაწესება, სახელწიფო გადატრიალება და სხვ.).

10.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

11. ხელშეკრულების პირობების გადასინჯვის წესი

11.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.

11.2. ამ ხელშეკრულების 11.1. პუნქტით განსაზღვრულ - შემთხვევაში შეძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

11.3. გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

11.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა ამ ხელშეკრულების 11.1, 11.2. და 11.3. პუნქტებით განსაზღვრული შემთხვევებისა.

12. ხელშეკრულებაში ცვლილებებისა და დამატებების შეტანის წესი
12.1 ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წერილობით შეატყობინოს მეორე მხარეს.

12.3 ხელშეკრულების პირობების ნებისმიერი ცვლილება და დამატება უნდა გაფორმდეს ახალი ხელშეკრულების სახით მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემძლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

13.2 იმ შემთხვევაში თუ, ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

14. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

15. დასკვნითი დებულებები

15.1. მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

15.2. ხელშეკრულება შედგენილია ქართულ ენაზე ორი თანაბარი იურიდიული ძალის მქონე ეგზემპლარად, რომელთაგან ერთი გადაეცემა მიმწოდებელს, ერთს იტოვებს შემსყიდველი.

შემსყიდველის მხრიდან

მიმწოდებლის მხრიდან

სსიპ ქალაქ მცხეთის №1 საჯარო სკოლა

შპს „არქსერვისი 2008“

დირექტორი ვერიკო მაჩხანელი

დირექტორი ზაზა ნაზდაიძე

